

պատահեց տեսնել հայ-բոշաների մի բանակ, որ բաղկացած էր մի քանի հարյուր ընտանիքներից: Նրանք բնակվում էին եղեգնեայ շարժական տաղալարների մեջ, որ չոելու ժամանակ ման էին ածում իրանց գրաստների վրայ: Այդ թափառականները այնքան հետաքրքրեցին մեզ, մանաւանդ մատեր Ֆիշերին, որ մնացինք նրանց բանակում մի ամբողջ շաբաթ: Չափազանց հիւրասեր, ուրախ, անհոգ եւ պարզ մարդիկ էին: Մի հալածանքի պատճառով նրանք գաղթել էին Սպահանի կողմերից եւ անցել էին դեպի Աղանիստանի անապատները: Խօսում էին պարզ հայերէն, պահպանել էին լուսաւորչական կրօնը, ման էին ածում իրանց հետ շարժական եկեղեցի եւ քահանաներ: Թէ ի՞նչ պատմական հանգամանքներից ստիպուած, կամ ո՞ր ժամանակներից սկսել էին նրանք թափառական կեանք վարել, այդ դժոար էր ստուգել, միայն այդքանը պարզ էր, որ նրանք դարերի ընթացքում այնքան էին փոխուել, որ բոլորովին սեփականել էին իրանց բոշաների սովորութիւնները: Կարօն համարեա սիրահարուեցաւ նրանց վրայ. մենք դժոարութեամբ կարողացանք բաժանել նրան այդ թափառականներից: Ահա այդ հայ-բոշաներն էին գլխաւորապէս Ռափայելի նամակի առարկան:

Ես անհամբերութեամբ լսում էի. Ասլանը նայեց իր ժամացոյցին եւ շարունակեց.

– Կարօն իր ընկերների հետ, երբ հասնում են Յնդկաստան, մոռանում են այն ուխտը, որ հանդիսաւոր կերպով յայտնեցին՝ Նիւ-եօրքից մեկնելու միջոցին, վերջին ճաշի ժամանակ, իրանց բարեկամների շրջանում, այո՛, մոռանում ն եւ հրապուրում են բոլորովին այլ մտքերով: Նրանք նախ մտնում են Չաւայ կղզու Բաթաւիայ քաղաքը, որտեղ բնակւում էր Ռափայելի մայրը եւ նրա ազգականները: Այդ քաղաքում կային նշանաւոր հայ վաճառականներ եւ հարուստ հայ կալրածատերներ, որոնք իրանց սեփական դաստակերտներում շաքարի եւ լեղակի գործարաններ ունէին: Դրանք Շահ-աբասի Սպահան տարած գաղթականներիցն էին, որոնք ժը-րո՞ դարու սկզբում թողեցին Սպահանը եւ գաղթեցին Չաւայ կղզու վրայ: Բացի Բաթաւիայից, որ կղզու մայրաքաղաքն է, Չաւայի փոքրիկ քաղաքներում եւս, ինչպէս են՝ Սուրբայիայ, Չրիբոն, Թըգալ, Բանիումաս, Ջըպարայ, Սըմարանգ եւ այլն, կային նոյնպէս հայ գաղթականներ, որ ապրում էին հողանդացոց իշխանութեան ներքոյ եւ պարապում էին հողային արդիւնագործութեամբ: Անջատուած լինելով Յայաստանից, այդ հեռաւոր կղզու վրայ դեռ նրանց մեջ վառ էր պահուած սերը՝ թէ՛ դեպի իրանց ազգը եւ թէ՛ դեպի իրանց հայրենիքը: Եթէ հեռոյց այլ կերպով չէին կարողանում օգնել իրանց ազգին, բայց փող չէին ինսայում: Կարօն ծանօթանում է կղզու հարուստներից մի քանիսի հետ: Այս-